

四庫全書

經部

欽定四庫全書

六家詩名物疏卷二十二 明 馮復京 撰

國風齊

雞鳴篇

蒼蠅

爾雅云蠅醜扇疏青蠅之類好搖翅自扇○方言云蠅東齊謂之羊○埤雅云蠅好交其前足有紋繩之象故繩字从蠅省亦好交後足搖翅自扇段氏云蒼蠅聲雄

壯青蠅聲清聒其聲皆在翼蓋蒼蠅善亂聲故詩曰匪  
雞則鳴蒼蠅之聲也蒼蠅尤大肌色正蒼今俗謂之麻  
蠅蠅逐臭者喜煖惡寒值水溺必置灰中須臾即活淮  
南子以爲爛灰生蠅正謂此也○雅翼云蒼蠅蠅之繁  
者小於青蠅其色蒼好集几案食飲上○韓子云以骨  
去蟻蟻愈多以魚驅蠅蠅愈至○張敞書云蒼蠅之飛  
不過十步託於騏驥之髮則至千里

按青蠅即能變白黑者蒼蠅其小者也陸農師謂大

于青蠅非是又有一種大麻蠅酉陽雜俎以爲茅根所化

蟲

疏云鳥亦稱蟲此蟲飛薨薨未必惟小蟲也○爾雅云有足謂之蟲無足謂之豸疏此對文耳散言則無足亦

曰蟲○周禮云外骨

龜屬

內骨

蟹屬

卻行

蝨屬

仄行

蟹屬

連行

魚屬紆行

蛇屬

以脰鳴者

龜屬

以注鳴者

精屬

以旁鳴者

蛸屬

謂之

屬

以翼鳴者

發皇屬

以股鳴者

蚣屬

以胷鳴者

榮螭屬

謂之

小蟲之屬○大戴記云毛蟲之精者曰麟羽蟲之精者  
曰鳳介蟲之精者曰龜鱗蟲之精者曰龍倮蟲之精者  
曰聖人○禮記曰孟春之月蟄蟲始振仲春之月蟄蟲  
咸動仲秋之月蟄蟲坏戶季秋之月蟄蟲咸俯在內皆  
謹其戶○春秋考異郵曰二九十八主風精爲蟲八日  
而化風列波激故其命字从蟲蟲之爲言屈申也

還篇

猗

地里志臨淄名營丘故齊詩曰予之營兮遭我乎穠之  
間師古曰齊國風營詩之辭也毛詩作還齊詩作營穠  
山名也字或作猗或作嶺言往適營丘而相逢于穠山  
也

按水經注臨淄城中丘淄水出其前經其左故有  
營丘之名釋丘云水出其左營丘今營丘城在山東  
青州府昌樂縣東南五十里猗山在臨淄縣南一十  
五里又崔靈恩集注以還茂昌三者皆地名今不知

何所

肩

傳云獸三歲曰肩○詩緝云亦作𦍋○鄭司農周禮注云一歲爲𦍋二歲爲𦍋三歲爲特四歲爲肩五歲爲慎○毛七月傳云豕一歲曰𦍋三歲曰𦍋疏云箋云豕生三月𦍋既易傳不以𦍋爲一歲之名則𦍋亦非三歲之稱釋獸釋鹿與麋皆云絕有力麋箋意蓋以麋爲鹿麋有力者也

狼

爾雅云狼牡羴牝狼其子獬絕有力迅○陸疏云其鳴能小能大善爲小兒啼聲以誘人去數十步其猛健者雖善用兵者不能免也其膏可煎和皮可爲裘故禮記狼膍膏又曰君之右虎裘厥左狼裘是也○毛詩艸蟲經云老狼項下有袋求食滿腹向前行乃觸之退後又自踏踐上囊其尾進退有患故詩以沉跋前疐後○酉陽雜俎云狼大如狗蒼色作聲諸竅皆沸脰中筋大如



鴨卵有犯盜者薰之當令手攣縮或言狼筋如織絡狼  
烟直上烽火用之○瑞應圖曰白狼王者仁德明哲則  
見一云王者進退動准法度則見○埤雅云里語狼卜  
食將遠逐食必先倒立以卜所向狼駢脅腸直其糞烟  
直爲是故也○雅翼云狼聚物不整故稱狼籍猛而敏  
給能自顧其後淮南子云鵠視而狼顧烏雄鷩于雌獸  
牝猛于牡是以羆爲熊之牝而羆猛于熊狼爲羆之牝  
而狼名獨著虎猛者稱乳虎蓋其類也○左傳云狼子

野心○朱傳云狼似犬銳頭白頰高前廣後

著篇

著

傳云門屏之間曰著○爾雅云門屏之間謂之宁疏云  
路門之外屏樹之內人君視朝宁立之處因名爲宁李  
巡云正門內兩塾間曰宁曲禮云天子當宁而立是也  
○孔疏云著與宁音義同○禮書云門屏之間謂之宁  
大夫以簾士以帷則無屏矣詩曰俟我於著而大夫士

與焉者蓋簾帷之爲蔽限亦謂之屏

按漢書地理志朕我於著乎而注著地名濟南郡著  
縣水經注漯水東北逕著縣故城南則又非門寧之  
寧明矣寧與著字義各別他處未有相通者

瓊華瓊瑩瓊英

傳云瓊華美石士之服也瓊瑩石似玉卿大夫之服也  
瓊英美石似玉者人君之服也疏云瓊瑩俱玉石名也  
英華是玉光色

按朱子云古者五等之爵朝會祭祀皆以克耳不知此詩是說何人傳分三章爲士爲卿大夫爲人君鄭以爲三章共述人臣親迎之禮俱無所據

東方之日篇

闥

說文闥門也○韓詩說云門屏之間曰闥

東方未明篇

柳

說文柳小楊也○朱傳云楊之下垂者○本草云柳華一名柳絮唐本注云柳與水楊全不相似水楊葉圓闊而赤枝條短硬柳葉狹長青綠枝條長軟陶云柳即水楊非也○青史子云柳南方之艸夏木也○管子云五沃之土宜柳○夏小正云正月柳稊稊發孚也○埤雅云柳柔脆易生之木與楊同類雖縱橫顛倒植之皆生○通志云柳曰天棘南人呼爲楊柳○古今合璧云樹高二三丈許嫋娜枝條葉細而長者曰柳樹低枝立葉

小者曰楊楊花入水經宿化爲浮萍柳花漫空如雪

樊

爾雅云樊藩孫炎曰圃之藩也郭璞曰謂藩籬也

圃

說文云種菜曰圃○周禮太宰九職二曰園圃毓草木  
注樹果蓏曰圃場人掌國之場圃而樹之果蓏珍異之  
物以時歛而藏之凡祭祀賓客共其果蓏享亦如之閭  
師任圃以樹事貢艸木

辰

傳云時也○說文云辰震也三月陽氣動雷電振民農  
時也物皆生从乙匕象芒達厂聲也辰房星天時也从  
二二古文上字徐鍇曰匕音化乙艸木萌初出曲卷也  
徐鉉等曰三月陽氣盛艸木生上徹於土故从土非  
聲疑亦象物之出

按不能辰夜之辰今朱傳誤作晨朱子釋詩時齊魯  
韓三詩俱亡雖有附見他籍者皆不依用則所从惟

毛傳耳而字畫多訛或傳寫之謬也他如終然允臧  
之然作焉羊牛下括作牛羊求爾新特之爾作我胡  
然厲矣之然作爲家伯維宰之維作冢小旻抑二如  
彼泉流作流泉朔月辛卯之月作日爰其適歸之爰  
作奚天降滔德之滔作慆降予卿士之予作于俱是  
顛倒錯誤今人不讀注疏訛以傳訛俱不能辨

莫

說文云日旦冥也从日在艸中



南山篇

南山

傳云齊南山

魯

譜云魯者少昊摯之墟也在周公歸政成王封其元子伯禽于魯封域在禹貢徐州大野蒙羽之野○朱傳云今襲慶東平府沂密海等州即其地○地里志兗州曲阜縣外城即伯禽所築古魯城○郕縣志曲阜在縣治

魯城中委曲長七八里○世本云周公居少昊之墟煬公徙魯○元命包云天弓星主弓弩流爲徐州別爲魯

國

按襲慶府今爲山東兗州府東平府今爲州與沂州並屬兗州府密州今萊州府高密縣海州今登州府寧海州魯城在曲阜縣西二里神農氏自陳徙居魯帝王世紀曰黃帝生于壽丘在魯東門之北至春秋時魯國都其城

魯道

水經注汶水南逕鉅平縣故城東西南流城東有魯道  
詩所謂魯道有蕩今汶上夾水有文姜臺汶水西南流  
詩云汶水滔滔

按漢鉅平縣在今兗州府寧陽縣境

屨

周禮屨人掌王及后之服屨爲赤舄黑舄赤纁黃纁青  
句素屨葛屨辨外內命夫命婦之命屨功屨散屨凡四

時之祭祀以宜服之鄭康成曰複下曰舄禪下曰屨有  
絢有纁有純者飾也凡屨舄各象裳之色凡舄飾如纁  
之次屨之飾如繡次絢謂之拘著舄屨之頭以爲行戒  
纁縫中糾純緣也散屨謂去飾○士冠禮夏用葛玄端  
黑屨青絢纁純純博寸素積白屨以魁柎之緇絢纁純  
純博寸爵弁纁屨黑絢纁純純博寸冬皮屨可也不屨  
總屨士喪禮夏葛屨冬白屨皆緇絢纁純組綦結于踵  
士相見禮若君賜之爵升席祭卒爵退坐取屨隱辟而

後屨鄉飲酒禮司正請坐于賓賓主人介衆賓皆降說

屨揖讓升坐

鄉飲大射倣此

燕禮賓及卿大夫皆說屨升就席

喪服斬衰管屨繩屨疏衰疏屨不杖麻屨士虞禮曰尸

坐不說屨○曲禮曰毋踐屨侍坐于長者屨不上堂解

屨不敢當階就屨跪而屨之屏于側鄉長者而屨跪而

遷屨俯而納屨大夫士去國鞮屨內則云屨著綦玉藻

云坐左納右坐右納左喪服小記曰練繩屨少儀曰排

闔說屨于戶內者一人而已矣有尊長在則否凡祭于

室中堂上無跣燕則有之國家靡敝君子不履絲屨○  
莊子云履方屨者知地形○世本云於則作扉履注於  
則黃帝臣艸曰扉麻曰履○方言云扉屨屨履也徐充  
之郊謂之扉自關而西謂之屨中有木者謂之複舄禪  
者謂之鞮絲作之者謂之履麻作之者謂之不借○曹  
氏云屨人注有縵屨黃屨白屨黑屨散屨所謂五兩者  
縵黃白黑散也○釋名云屨拘也所以拘足也○詩疏  
云夏日之有葛屨特爲便于時耳非行禮之服若行禮

之服雖夏猶當用皮鄭于周禮注及志言朝祭履舄各從其裳之色明其不用葛也

冠

說文云冠綦也所以綦髮弁冕之總名也○檀弓云古者冠縮縫今也衡縫故喪冠之反吉非古也郊特牲云野人黃冠黃冠艸服也始冠之緇布之冠也太古冠布齊具緇之委貌周道也章甫殷道也母追夏后氏之道也玉藻玄冠朱組纓天子之冠也緇布冠纁綌諸侯之

冠也玄冠丹組纓諸侯之齋冠也玄冠綦組纓士之齋冠也縞冠玄武子姓之冠也縞冠素紕既祥之冠也垂綏五寸惰游之士也玄冠縞武不齒之服也居冠屬武○董巴輿服志云上古穴居野處衣毛而冒皮後代聖人易之見鳥獸有冠角顙胡之制遂作冠冕纓綏以爲首飾○莊子云戴圓冠者知天時○春秋繁露云冠之在首玄武之象也玄武貌之最嚴威者象在後反居首武至而不用矣○禮書云古之冠其飾不過纓武緣其



名不過母追章甫委貌而已大抵吉冠左辟喪冠右辟  
吉冠內畢喪冠外畢吉冠圓喪冠厭吉冠玄喪冠素吉  
冠不條屬喪冠條屬吉冠綾喪冠不綾吉冠緣喪冠不  
緣居冠屬武非居冠不屬武此其畧也

綾

說文云系冠纓也○內則云子事父母冠綾纓玉藻云  
居冠屬武自天子下達有事然後綾大帛不綾玄冠紫  
綾自魯桓公始也又云大白冠緇布之冠皆不縹委武

玄縞而后緹○禮書云冠系有纓其垂有綖喪冠不綖則凡吉冠皆綖矣○羅氏云二組屬于笄順頭而下結之謂之纓纓之垂者謂之綖

### 斧

釋名云斧甫也甫始也凡將制器始用斧伐木已乃制之也○考工記五分其金而錫居一謂之斧斤之齊○春秋元命包云斧鑕主亂行斬狂詐斧之爲言補也○古今事物類考云神農作斤斧○破斧傳云隋登曰斧

○尉繚子云坐之兵劒斧立之兵戟弩

甫田篇

莠

孔疏云仲虺之誥曰若苗之有莠若粟之有秕秕似粟  
莠似苗也○國語云馬飢不過狼莠韋昭注云似稷而  
無實○韋昭問答云甫田維莠今何艸答曰今之狗尾  
也○月令云孟春行秋令藜莠蒿萊並興○戰國策云  
幽莠之秀也似禾○雅翼云莠者害稼之艸今之狗尾

艸也似稷而不結實無處不生莠既惡物故言之不美者謂之莠言

弁  
韋弁爵弁

士冠禮爵弁服纁裳純衣緇帶韎韐皮弁服素積緇帶素鞶注爵弁服此與君祭之服爵弁者冕之次其色赤而微黑如爵頭然或謂之緇其布三十升純衣絲衣也餘衣皆用布惟冕與爵弁服用絲耳皮弁服此與君視朔之服也以白鹿皮爲冠以素爲裳辟蹙其要中衣用

布亦十五升其色象焉○後漢輿服志云爵弁一名冕  
廣八寸長尺二寸如爵形前小後大繒其上似爵頭色  
有收持筭所謂夏收殷尋者也○禮書云周禮有韋弁  
無爵弁書與冠禮禮記有爵弁無韋弁士之服止于爵  
弁而荀卿曰士韋弁孔安國曰雀韋弁也劉熙釋名亦  
曰以爵韋爲之謂之韋弁則爵弁即韋弁耳觀弁師司  
服韋弁先於皮弁書爵弁先於綦弁  
孔安國曰綦  
弁皮弁也士冠  
禮次加皮弁三加爵弁而以爵弁爲尊聘禮主卿贊禮

服皮弁及歸饗餼服韋弁而以韋爲敬則皮弁之上非  
韋弁則爵弁耳此所以疑其爲一物也士冠禮爵弁服  
昏禮主人爵弁纁裳緇袍檀弓天子哭諸侯爵弁紵衣  
書二人爵弁執惠雜記復諸侯爵弁服子羔之襲爵弁  
一襲廟祝宗人宰夫雍人皆爵弁純衣則爵弁雖士之  
祭服而天子諸侯大夫皆服之鄭氏謂冕之次制如冕  
但無纁耳其布三十升然古文弁象形則其制上銳若  
合手然非如冕也韋其質也爵其色也笄紘玉飾各以

其等爲之如皮弁制

按陳氏疑爵弁爲韋弁其說或是也韋弁有二兵事之韋弁服以韎韋爲弁又以爲衣裳聘禮卿歸饗餼之韋弁服韎布爲衣而素裳然則與士爵弁纁裳純衣異矣豈卿大夫士之爵弁服殊其衣裳不若皮弁服之共素衣素積與抑爵韋固非一物也

盧令篇

盧

傳云盧田犬○戰國策云韓國盧天下之駿犬也

環

疏云環在犬之領下重環謂大環貫一小環也

鉤

說文云大環也一環貫二者○梁寅云重環者環之中又貫一環所謂子母環也重鉤者環之中又貫二環也

敝筍篇

鰓



毛云鰪大魚○孔叢子云衛人釣于河得鰪魚焉其大  
盈車子思問曰如何得之對曰吾下釣垂一魴之餌鰪  
過而不視又以豚之半鰪則吞矣○鄭云鰪魚子○  
爾雅云鰪魚子疏引此詩其魚魴鰪云鰪鰪字異  
古字通用○魯語里革云魚禁鰪鰪鳥翼殼卵蕃  
庶物也

按毛以鰪爲大魚次章釋魴鰪亦云大魚則鰪特魴  
鰪之類耳非必大至于盈車也盈車即鰪之尤大者

如今鰕亦有小有大鄭氏蓋以盈車之魚必非筍之  
所制故以魚子易之殊不知魚子尚未成魚何云制  
以筍邪莊子王子年云鯢大不知幾千里長千尺此  
又荒唐不可稽矣

鰕

箋云鰕似魴而弱鱗○陸疏云鰕似魴厚而頭大魚之  
不美者故里語曰網魚得鰕不如啗茹其頭尤大而肥  
者徐州人謂之鰕或謂之鰕幽州人謂之鰕鵒或謂之

胡鰮○埤雅云鰮色白北土皆呼白鰮西征賦云華魴躍鱗素鰮揚鬐性亦旅行故其制字从與失水則死弱魚也今吳越呼鰮鰮魚六韜曰緡隆餌重則嘉魚食之緡調餌芳則庸魚食之鰮庸魚也故其字从庸○雅翼云魚雖一類所食不同今鰮惟食艸鱒食螺蚌鰮乃食鰮矢宜其味之不美○嚴氏曰今鰮鰮相似而小別鰮頭小鰮頭大

載驅篇

簾第

傳云簾方文席也○爾雅云輿革前謂之輶後謂之第  
李巡曰輿革前謂輿前以革爲車飾曰輶第車後戶名  
也郭璞曰輶以韋靶車軾也第以韋靶後戶也又云竹  
前謂之禦後謂之蔽李巡曰竹前謂編竹當車前以擁  
蔽名之曰禦禦止也孫炎曰禦以竹簾爲車飾也郭璞  
曰蔽以簾衣後戶也

鄣

說文云鞞革也又曰獸皮治去其毛曰革○傳云諸侯之路車有朱革之質而羽飾

驪

駟傳云純黑曰驪○月令孟冬云駕鐵驪○檀弓云夏后氏尚黑戎事乘驪○說文云驪馬深黑色

汶水

淮南子云汶出弗其流合于濟注弗其山在北海朱虛縣東○禹貢云浮于汶達于泲○水經云汶水出泰山

萊蕪縣原山西南過壽張又西南入于濟○許叔重云  
出瑯邪朱虛東泰山東入濰○朱傳云在齊南魯北二  
國之境○曹氏云汶水有二出萊蕪縣原山入濟者徐  
州之汶也出朱虛泰山北又東北入濰者青州之汶也  
按一統志萊蕪縣今屬山東濟南府有汶河云其源  
有三一發泰山之旁仙臺嶺一發萊蕪縣原山之陽  
一發萊蕪縣寨子村至泰安州靜封鎮合焉名曰塹  
汶西南流與徂徠山之陽小汶河合又西南流注洸

河入濟此徐汶也朱虛故城在今青州府臨朐縣境  
有汶水云源出沂山東麓流經本縣東南六十里入  
安丘縣界安丘亦屬青州此青汶也

猗嗟篇

揚

傳云揚廣揚疏云揚是顙之別名顙貴閭故言廣揚

名

爾雅云目上爲名孫炎曰目上平博郭璞曰眉眼之間

○楊用修云名玉篇引此句作顙眉目之間也字从冥  
言流盼使人冥迷

侯

尚書云侯以明之○周禮司裘云王大射則共虎侯熊  
侯豹侯設其鵠諸侯則共熊侯豹侯卿大夫則共麋侯  
皆設其鵠射人以射法治射儀王以六耦射三侯樂以  
騶虞九節五正諸侯以四耦射二侯樂以貍首七節三  
正孤卿大夫以三耦射一侯樂以采蘋五節二正士以



三耦射豝侯樂以采繁五節二正若王大射則以狸步  
張三侯祭侯則爲位梓人爲侯廣與崇方參分其廣而  
鵠居一馬上兩個與其身三下兩個半之上網與下網  
出舌尋緡寸馬張皮侯而棲鵠則春以功張五采之侯  
則遠國屬張獸侯則王以息燕○鄉射記云凡侯天子  
熊侯白質諸侯麋侯赤質大夫布侯畫以虎豹士布侯  
畫以鹿豕凡畫者丹質又云鄉侯上个五尋中十尺侯  
道五十弓弓二寸以爲侯中倍中以爲躬倍躬以爲左

右舌下舌半上舌○大射云司馬命量人量侯道以狸步大侯九十參七十干五十遂命量人中車張三侯大侯之崇見鵠于參參見鵠于干干不及地武○鄭注周禮云所射正謂之侯者天子中之則能服諸侯諸侯以下中之則得爲諸侯○孔氏云燕射自天子至士皆一侯鄉射賓射當張采侯二正天子諸侯大射張三侯○禮書云周官司裘所共之侯大射之侯也梓人所謂張皮侯而棲鵠也射人治射儀之侯正賓射之侯也梓人

所謂張五采之侯也鄉射記熊侯白質以下燕射之侯也梓人所謂張獸侯以息燕也大射之侯用虎熊豹麋之皮飾其側而中又制皮以爲鵠賓射之侯亦虎熊豹麋之皮飾其側而中畫五色以爲正燕射之侯則畫熊麋虎豹鹿豕之形以象鵠此三射之別也然司裘諸侯熊侯豹侯則畿內諸侯大射之禮也畿外諸侯大侯參侯干侯大射禮量人張三侯是也

正

鄭射人注云考工梓人職曰張五采之侯則遠國屬遠國謂諸侯來朝者也五采之侯即五正之侯也正之言正也射者內志正則能中焉畫五采之侯中朱次白次蒼次黃玄居外三正損玄黃二正去白蒼而畫以朱綠其外之廣皆居侯中參分之一中二尺今儒家云四尺曰正二尺曰鵠鵠乃用皮其大如正此說失之矣○大射注云正者正也亦鳥名齊魯之間名題肩爲正正鳥之捷點者射之難中以中爲雋故射取名焉○詩正義

云正者侯中所射之處大射則張皮侯而設鵠賓射則張布侯而畫正正大如鵠三分侯廣而正居一焉侯身長一丈八尺者正方六尺侯身一丈四尺者正方四尺六寸大半寸侯身一丈者正方三尺三寸少半寸正以采畫爲之畫五正之侯者中央之采方二尺以外準其采之多少正之廣狹均布之以至于外畔也○禮書云大射有鵠猶賓射之有正也賓射有皮猶大射之飾其側也大射側中皆皮故曰皮侯賓射側皮而中五采故

曰五采之侯

甥

爾雅云男子謂姊妹之子爲出謂我舅者吾謂之甥也  
疏甥猶生也取相親之意

矢

周禮司弓矢掌八矢之法枉矢絜矢利矢射用諸守城  
車戰殺矢鏃矢用諸近射田獵矰矢箝矢用諸弋射恒  
矢庠矢用諸散射注枉殺矰恒弓所用也絜鏃箝矢庠弩

所用也治氏爲殺矢刀長寸圍寸鋌十之重三坑矢人

爲矢鏃矢參分弗矢

注弗當爲殺

參分一在前二在後兵矢

田矢五分

注謂枉矢絜矢

二在前三在後殺矢

注殺當爲弗

七分三

在前二在後參分其長而殺其一五分其長而羽其一

以其筭厚爲之羽深水之以辨其陰陽夾其陰陽以設

其比夾其比以設其羽參分其羽以設其刃則雖有疾

風亦弗之能憚矣○世本云夷牟作矢○荀子云浮游

作矢○六韜云陷堅陣敗強敵大黃參連弩飛鳧電影

矢自副注飛鳬赤莖白羽以鐵爲首電影青莖赤羽以銅爲首○方言云自關而東謂之矢江淮之間謂之鏃關西曰箭注箭者竹名因以爲號○釋名云矢指也其有所指向迅疾也其本曰足又謂之鏑齊人謂之鏃關西謂之釭其末曰括括旁曰义○唐六典云骨鏃曰髀鐵鏃曰鏑鳴箭曰散霹靂曰鉞皆古之制也竹箭以竹爲筈諸箭亦通用木箭以木爲筈惟利射獵○韓詩傳云諸侯有德七錫弓矢



六家詩名物疏卷二十二

# 欽定四庫全書

經部

六家詩名物疏卷二十三  
四

詳校官監察御史<sub>臣</sub>沈孫建

通政使司副使<sub>臣</sub>莫瞻菴覆勘

總校官中書<sub>臣</sub>朱 鈐

校對官中書<sub>臣</sub>吳 俊

謄錄監生<sub>臣</sub>劉宗望

欽定四庫全書

六家詩名物疏卷二十三

明

馮復京

撰

國風魏

魏

譜云魏者舜禹所都之地在禹貢冀州雷首之北析城之西周以封同姓其封域南枕河曲北涉汾水與秦晉鄰晉獻公滅之以其地賜大夫畢萬後晉有魏氏○詩含神霧云魏地處季冬之位土地平夷唐地處孟冬之

位得常山泰嶽之風音中羽其地境埆故其民險而好畜○地里志云魏國亦姬姓也在晉之南河曲故詩曰彼汾一曲寘諸河之側○水經注故魏國城南西並去大河可二十餘里北去首山十餘里處河山之間土地迫隘故魏風著十畝之詩也○一統志山西平陽府解州平陸縣北五十里有魏侯城即古魏國漢於此置河  
北縣屬河東郡

葛屨篇

# 霜

釋名云霜喪也其氣慘毒物皆喪也○易曰履霜堅冰陰始凝也馴致其道至堅冰也○月令云季冬之月霜始降則百工休○大戴禮云陰陽之氣各靜其所則靜矣陽氣勝則散為雨露陰氣勝則凝為霜雪○春秋考異郵云霜者陰精冬令也四時代謝以霜收殺霜之為言亡也物以終也○感精符云霜殺伐之表秋季霜始降鷹隼擊王者順天行誅以成肅殺之威若政令苛則

夏下霜誅伐不行則冬霜不殺草○援神契云霜以挫物○五經通義云寒氣凝以為霜從地升也○國語云駟見而隕霜隕霜而冬裘具賈逵曰駟房星也○淮南子云秋三月青女乃出以降霜雪高誘曰青女天神主霜雪○京房易傳曰誅不原情其霜附木不下地不教而誅其霜反在草上

要

朱傳云要裳要○士喪禮云褻者左執領右執要○玉

藻云縫齊倍要

襟

說文云衣領也○鄭注禮記云古者方領如今小兒衣領

汾沮洳篇

汾

地里志汾水出太原郡汾陽縣北山西南至汾陰入河  
○山海經曰管涔之山其上無草木而多玉汾水出焉

○水經云汾水出太原汾陽縣北管涔山○一統志汾河源出山西太原府靜樂縣管涔山經太原清源交城文水祁縣至平遙介休南入平陽府靈石縣界經趙城洪洞臨汾南歷襄陵太平絳州稷山河津滎河入於黃河○淮南子云汾水濛濁而宜麻

沮洳

朱傳云水浸處下濕之地○山海經沮洳之山郭氏注引詩彼汾沮洳



莫

陸疏云莫莖大如箸赤節節一葉似柳葉厚而長有毛刺今人繅以取繭緒其味酢而滑始生可以為羹又可生食五方通謂之酸迷冀州人謂之乾絳河汾之間謂之莫○埤雅云子如楮實而紅冀州人謂之乾絳蓋以此也今吳越呼為茂子

公路公行

疏云公路與公行一也以其主君路車謂之公路主兵

車之行列謂之公行○左傳云初驪姬之亂詛無畜羣公子自是晉無公族及成公即位乃宦卿之適子而為之田以為公族又宦其餘子亦為餘子其庶子為公行趙盾請以括為公族冬趙盾為旄車之族杜元凱云旄車公行之官疏云周禮有諸子掌國子之倖事與公族同巾車掌王五路事與公行同

蕢

爾雅蕢牛脣郭注毛詩傳曰水鷺也如續斷寸寸有節

拔之可復○陸疏云今澤蔦也其葉如車前草大其味亦相似徐州廣陵人食之○本草澤瀉一名水瀉及瀉芒芋鵠瀉生汝南池澤陶隱居云葉狹長叢生諸淺水中仙經服食斷穀皆用之亦云身輕能步行水上圖經云春生苗多在淺水中葉似牛舌獨莖而長秋開白花作叢似穀精草

按釋草別云蒹葭郭云今澤蔦邢云即本草澤瀉也陸以牛脣為澤蔦誤矣然本草經澤瀉一名水瀉而

毛傳解蕢為水舄故陸有此誤牛舌草即車前之異名澤瀉似車前故韓詩又以車前為澤瀉也

公族

箋云公族主君同姓昭穆○左傳晉荀會樂麇韓無忌為公族大夫使訓卿之子弟恭儉孝弟○國語樂伯請公族大夫公曰荀家悖惠荀禮文敏麇也果敢無忌鎮靜使茲四人者為之夫膏粱之性難正也故使悖惠者教之使文敏者道之使果敢者諗之使鎮靜者脩之○

左傳疏公族之官掌敎公之子弟卿之適子亦屬公族  
園有桃篇

謠

爾雅云徒吹謂之和徒歌謂之謠孫炎曰謠聲消搖也  
○韓詩章句云有章曲曰歌無章曲曰謠○毛傳云樂  
合曲曰歌徒歌曰謠○冊府元龜云春秋以來乃有婉  
孌總角之謠傳於閭巷皆成章協律

棘

埤雅云魏風園有棘棘酸棗也○朱傳云棗之短者  
按傳棘棗也此指槭棘而言幽風八月剝棗乃是本  
草之大棗非此傳所云棗也槭棘釋已詳邶風

陟岵篇

岵

爾雅云多草木岵○釋名云岵怙也人所怙取以為事  
用也○毛傳云山無草木曰岵

屺

爾雅云無草木岐

與此同

○釋名云此圯也無所出生也

毛傳云山有草木曰圯

按爾雅毛公說圯圯正相反當是毛公誤耳朱子從毛非也豈有不信周孔子夏之說而信後儒者乎

伐檀篇

干

傳云厓也○斯干傳云澗也○易云鴻漸于干注云干謂大水之旁故停水處○韓詩考槃注云干堦角之處

也又云地下而黃曰干

按水經云河水東過河北縣南又東永樂澗水注之河北縣即故魏國此詩所以稱河干也

漣淪

爾雅云河水清且瀾猗大波為瀾小波為淪直波為逕李巡云分別水大小曲直之名郭璞曰瀾言渙瀾也淪言蘊輪也徑言徑涎也邢昺云瀾漣雖異而義同○毛傳云風行水成文曰漣直直波也淪小風水成文轉如



輪也○釋名云風吹水波成文曰瀾瀾連也波體之流相及連也水小波曰淪淪倫也小文相次有倫理也小直波曰涇涇徑也言如道徑也○韓詩說云順流而風曰淪

### 稼

說文云禾之秀實為稼○毛傳曰種之曰稼○周禮大司徒辨十有二壤之物而知其種以教稼穡樹藝遂人以土宜教氓稼穡遂師巡稼穡遂大夫正歲簡稼器脩

稼政縣正各掌其縣之政令徵比趨其稼事鄮長歲時  
簡器與有司數之里宰以歲時合耦于耜以治稼穡趨  
其耕耨司稼巡野觀稼以年之上下出斂法注云種穀  
曰稼如嫁女有所生

穡

說文云穀可收曰穡○毛傳云斂之曰穡○疏云以稼  
穡相對則先稼後穡故知種之曰稼斂之曰穡若散則  
相通大田云曾孫之稼非唯種之也湯誓云舍我穡事

非唯斂之也○左傳疏云穡愛也言愛惜而收斂之○  
內則云飯黍稷稻粱白黍黃粱稭稭注云穀熟而穫之  
則曰稭生穫之曰稭

禾

說文云嘉穀也二月始生八月而熟得時之中故謂之  
禾禾木也木王而生金王而死○廣雅云粱稻其穗謂  
之禾○春秋說題辭云禾者銜滋液注銜滋液以生故  
以禾穀為名也○孝經援神契云德之下地則嘉禾生

○周書云凡禾麥居東方黍居南方稻居中央粟居西方菽居北方○董仲舒云聖人於五穀最重麥與禾○汜勝之書云種禾無期因地為時三月榆莢雨時高地強土可種禾○七月疏云苗生既秀謂之禾種殖諸穀名為稼禾稼者苗幹之名黍稷重穋其餘稻秫苽粱之輩皆名為禾麻與菽麥則無禾稱○呂氏春秋曰飯之美者玄山之禾

按禾即粳糯二稻也春秋書大無麥禾說文云二月

而生八月而熟皆指稻而言耳若廣言之自可該諸穀

廛

毛傳云一夫之居曰廛○說文云一畝半一家之居○周禮載師以廛里任國中之地鄭司農云廛市中空地未有肆城中空地未有宅者玄謂廛里者若今云邑里居矣廛民居之區域也里居也以廛里任國中而遂人職授民田夫一廛田百畝是廛里不謂民之邑居在都

城者與○遂人夫一廛田百畝鄭司農云廛居也揚子  
雲有田一廛謂百畝之居也玄謂廛城邑之居孟子所  
云五畝之宅樹之以桑麻者也○韻會注云市物邸舍  
曰廛一曰民居區域之稱○漢書揚雄傳有田一廛晉  
灼曰一百畝○禮書云廛者國中之居廬者田中之居  
廬舍二畝半廛亦二畝半則五畝之宅合在野在邑言  
之考之於禮鄉師巡國及野以施惠鄉大夫辨國中之  
可任舍者鄉士掌國中之獄則六鄉之民莫不廛里於

國中矣廛里所以定居而廬舍特其宿息之地而已

按遂人云夫一廛田百畷謂夫受一廛者其田百畷  
先後二鄭之說本自相通毛氏云一夫之居曰廛箋  
不易之者蓋以此也先鄭及毛但不明著廛為城邑  
之居耳孔仲達正義似未達箋旨惟先鄭載師注以  
城市空地為廛後鄭所不從楊用脩獨以為然是亦  
孤證且引說文市物邸舍曰廛非許叔重之言也用  
脩鹵莽大都如是

獵

箋云宵田曰獵○爾雅云宵田為燎注管子云僚獵畢  
弋今江東亦呼獵為燎或曰即今夜獵載鑪照也○說  
文云獵放獵逐禽也

𤝵

爾雅云𤝵子𤝵疏𤝵似狐其子名𤝵○詩義問云貉子  
曰𤝵𤝵形狀與貉異

輻



詩緝云輻車輻也○考工記云輪輻三十以象日月也

輻也者以為直指也望其輻欲其掣

音宵小貌

爾而纖也進

而眡之欲其肉稱也眡其綆

輪第

欲其蚤之正也

入牙必正

察

其菑蚤不齟

菑音齒齟音中者

則輪雖敝不匡

枉也

凡輻量其鑿

深以為輻廣故竝其輻廣以為之弱

菑也

則雖有重任轂

不折參分其輻之長而殺其一則雖有深泥亦弗之濂

也

濂粘也

參分其股圍

近菑謂之股

去一以為骹圍

近牙謂之骹

揉

輻必齊

揉以火槁之

平沈必均

浮以水無輕重

直以指牙牙得則無

輳而固又云車人為車輻長一柯有半其博三寸厚三之一栢車輻一柯○禮書云輪崇六尺有六寸轂徑一寸三分寸牙圍尺一寸則輻長二尺有奇矣數徑三寸九分寸之五而輻廣如之則輻圍九寸有奇矣三分股圍去一以為骹圍輻之入牙者謂之爪近牙謂之骹入轂謂之菑近菑謂之股菑亦謂之弱則股菑弘而骹爪殺矣○老子云三十輻共一轂

特

傳云獸三歲曰特○先鄭周禮注云三歲為特○爾雅云豕生三豨二師一特

按毛云獸三歲曰特先鄭亦云當有所出然考爾雅有豕生一特之文則此特應謂豕耳上下章貍鷃皆專指一物不應此章乃汎言獸竊謂宜從爾雅

輪

釋名云輪綸也言彌綸也○考工記云察車自輪始欲其樸屬而微至不樸屬無以為完久也不微至無以為

戚速也輪已崇則人不能登也輪已庳則於馬終古登  
阨也故兵車之輪六尺有六寸田車之輪六尺有三寸  
乘車之輪六尺有六寸輪人為輪斬三材必以其時穀  
也者以為利轉也輻也者以為直指也牙也者以為固  
抱也凡為輪行澤者欲杼薄其踐地者行山者欲侔上下等規  
之以眡其圜也萬之以眡其匡也縣之以視其輻之直  
也水之以眡其平沈之均也量其數以黍以眡其同也  
權之以眡其輕重之侔也又云車人為車行澤者反輹

行山者仄輮反輮則易仄輮則完○莊子云斲輪徐則甘而不固疾則苦而不入不徐不疾得之於手而應於心

困

匠人注云困圓倉○釋名云困繆也藏物繆繆束縛之也○月令孟冬命有司脩困倉○考工記云困窳倉城逆墻六分○說文云困廩之圜者從禾在口中圜謂之困方謂之京

殮

傳云熟食曰殮○周禮掌客云上公殮五牢食四十簋  
十豆四十鉶四十有二壺四十鼎簋十有二牲三十有  
六皆陳侯伯殮四牢食三十有二簋八豆三十有二鉶  
二十有八壺三十有二鼎簋十有二腥二十有七皆陳  
子男殮三牢食二十有四簋六豆二十有四鉶十有八  
壺二十有四鼎簋十有二牲十有八皆陳凡介行人宰  
史皆有殮以其爵等為之禮注云殮客始致小禮也小

曰飧大曰饗餼○聘禮云宰夫朝服設飧飪一牢在西  
鼎九羞鼎三腥一牢在東鼎七堂上之饌八西夾六門  
外米禾皆二十車薪芻倍禾上介飪一牢在西鼎七羞  
鼎三堂上之饌六門外米禾皆十車薪芻倍禾衆介皆  
少牢○箋云飧讀如魚飧之飧○說文飧舖也從  
夕食○字林云水澆飯也○韻會注云人旦則食  
飯夕則食飧飧為飯別名○釋名云飧散也投水  
於中解散也

按鄭志答張逸云禮殯饗太多非可素故易傳然說  
文云水澆飯左傳僖負羈饋盤飧趙衰以壺飧從餒  
而不食未始非熟食也不知鄭何見定以熟食為牢  
禮之殯乎

碩鼠篇

碩鼠

爾雅鼯鼠孫炎云五伎鼠郭璞云形大如鼠頭似兔尾  
有毛青黃色好在田中食粟豆闕西呼為鼯鼠見廣雅



○說文云鼯五伎鼠也能飛不能上屋能緣不能窮木  
能遊不能度谷能穴不能掩身能走不能先人○荀子  
云梧鼠五伎而窮○詩義疏云碩鼠樊光謂即爾雅碩  
鼠也許慎云鼯鼠五伎鼠也今之河東有大鼠能人立  
交前兩腳於頸上跳舞善鳴食人禾苗人逐則走入樹  
空中亦有五伎或謂之雀鼠其形大故序云大鼠也魏  
國今河北縣是也言其方物宜謂此鼠非鼯鼠也本草  
又謂螻蛄為石鼠亦五伎古今方土名蟲鳥物異名同

故記也○文子云聖人師拱鼠制禮○錄異記云拱鼠形如常鼠行田野中見人即拱手而立人近欲捕之即跳躍而走秦川有之○雅翼云詩稱相鼠即河東大鼠也

按陸云碩鼠非鼯鼠而邢昺謂陸璣所說與郭氏爾雅注同今觀兩家之說未見其同也碩鼠能交前兩足於頸故或者以為拱鼠孫奕遂以相鼠有皮為相州所出之碩鼠然相雖去河東不遠而錄異記云拱

鼠出秦陸璣疏碩鼠亦不名為拱鼠未知然否崔豹  
古今注說螻蛄一名碩鼠其五技與鼯鼠同然螻蛄  
不食黍麥食黍麥者自是鼠屬耳朱傳云碩大也則  
但以為大鼠郊特牲云迎貓為其食田鼠也大戴禮  
云田鼠者鼯鼠也然則碩鼠得非鼯鼠之大者乎

六家詩名物疏卷二十三

欽定四庫全書

六家詩名物疏卷二十四

明 馮復京 撰

國風唐

唐

譜云唐者帝堯舊都今曰太原晉陽成王封母弟叔虞  
於唐墟曰唐侯南有晉水至子變改為晉侯其封域在  
禹貢冀州太行恒山之西太原太岳之野至曾孫成侯  
南徙居曲沃近平陽僖侯孫穆侯又徙於絳○地里志

河東土地平易有鹽鏤之饒本唐堯所居詩風唐魏之國也其民有先王遺教君子深思小人儉陋○左傳唐叔命以唐誥而封於夏虛注大夏今晉陽○諸侯譜云晉穆侯徙都於絳孝侯改絳為翼景公遷新田○晉語景霍以為城汾河涑澮以為淵戎狄之民實環之○孔仲達云武公并晉又都絳

案今山西太原府太原縣即秦漢之晉陽縣有唐城叔虞子變父所徙也晉水出其縣西南十里懸壺山

曲沃今為解州聞喜縣絳翼俱在翼城縣東南屬平陽府平陽府又有曲沃縣亦成師所封絳州絳縣景公所徙之新田也

蟋蟀篇

蟋蟀

爾雅蟋蟀蜚李巡曰蜻蛚也郭璞云今起織也○古今注蟋蟀一名吟蛩一名蛩秋初得寒則鳴一云濟南呼為懶婦○易通繫卦曰蟋蟀之蟲隨陰迎陽居壁向外

趨婦女織績女工之象○通卦驗云立秋蜻蛚鳴白露  
下蜻蛚上堂○周書云小暑之日溫風至又五日蟋蟀  
居壁○陸疏云蟋蟀似蝗而小正黑有光澤如漆有角  
翅一名蜚一名蜻蛚楚人謂之王孫幽州人謂之趨織  
里語云趨織鳴懶婦驚是也○詩義問云蟋蟀食蠅而  
化成○春秋說題詞云趨織為言趨織也織興事遽故  
趨織鳴女作兼○潛潭巴云蟋蟀集天子無遠兵○月  
令季夏蟋蟀居壁疏此物生在于土中至季夏羽翼稍



成未能遠飛但居其壁至七月則能遠飛在野○搜神  
記云朽葦為蜚○埤雅云陰陽率萬物以出入至於悉  
蜚能帥陰陽之悉者也似蝗而小善跳○雅翼云蟋蟀  
以夏生秋始鳴周書蟋蟀居壁淮南則云居奧奧者西  
南隅也有生野中及生人家者寒則漸近人好吟於土  
石墻甍之下尤好鬪勝輒矜鳴其聲如急織故幽州謂  
之促織又其鳴正織之候也古稱騰蛇游霧而殆于即  
且即且乃蜈蚣耳許叔重謂蟋蟀為即且上虵虵不敢

動非也梓人以注鳴者精列屬

役車

巾車云庶人乘役車注役車方箱可載任器以共役疏庶人以力役為事故名車為役車○詩疏云收納禾稼亦用此車○禮書云役車牛車也書曰肇牽車牛輶人曰大車輶直必縊其牛則大車牛車也牛車大則栢車中車羊車小車也大車以行澤栢車以行山羊車以行宮中車人所謂行澤者欲短轂行山者欲長轂行澤者

反輶行山者反輶此大車柏車之辨也大車兩輶故車  
人言凡為輶三其輪崇轍廣六尺高長六尺一牛在輶  
內故高短而轍狹也大車轂長尺五寸圍尺五寸輻長  
四尺五寸渠圍二丈七尺輪崇九尺牙圍尺五寸綆一  
寸輶二丈七尺牝服八尺輪人之牙車人謂之渠輿人  
之較車人謂之牝服輿人之衡車人謂之高輿人之為  
車起度於輿廣車人之為車起度於柯長輿人之車其  
箱廣而不方車人之車其箱方而不廣其制之異可知

矣

山有樞篇

樞

爾雅云樞莖郭云今之刺榆○廣雅云柘榆梗榆也○  
陸疏云其針刺如柘其葉如榆濫為茹美滑於白榆榆  
之類有十種葉皆相似皮及木理異耳○陳藏器云江  
南有刺榆無大榆刺榆秋實

榆

內則云董萱粉榆兔薨以滑之○元命包云三月榆莢落○運斗樞云玉衡星散為榆○管子云五沃之土其榆條長○淮南子云五月其樹榆○萬畢術云八月榆孺令人不饑○四民月令曰二月榆莢成者收乾以為旨蓄色變白將落收為醬○稽康云榆令人瞑○鄒子云春取榆柳之火○廣雅云山榆母估也柘榆梗榆也○齊民要術云楸榆凡榆三種色別種之勿令雜楸榆莢葉味苦凡榆莢味甘○陶隱居云榆皮性至滑利初

生莢仁以作糜羹○本草衍義云榆皮礱為粉歟歲農以代食葉青嫩時收貯亦用為羹茹○雅翼云陳藏器云江南無大榆蓋大榆北方之木也

案陸氏云榆類有十種而不詳其別異之狀爾雅云無姑其實夷注無姑姑榆也生山中葉圓而厚剝取皮合漬之其味辛香所謂蕪夷本草云味辛平生晉山川谷此一種也樞今之刺榆即廣雅所謂梗榆其二種也本草榆皮味甘平一名零榆生潁川山谷其

三種也朗榆皮味甘寒生山中如榆皮有滑汁秋生  
莢如北榆其四種也爾雅榆白粉其五種也廣志云  
有姑榆有郎榆郎榆無莢又任車用姑榆即無姑朗  
榆有莢郎榆無莢則郎榆別一種矣齊民要術有桮  
榆凡榆之別未知桮榆復何如也陸璣又云駁馬梓  
榆或亦一種與嚴坦叔云此言隰有榆總言榆耳

栲

爾雅云栲山樗郭璞曰栲似樗色小白生山中因名云

亦類漆樹俗語曰種樗栲漆相似如一○陸疏云山樗與下田樗畧無異葉似差狹耳吳人以其葉為茗方俗無名此為栲者似誤也今所云為栲者葉如櫟大皮厚數寸可為車輻或謂之栲櫟許慎正以栲讀為糗今人言栲失其聲耳

柎

爾雅云柎櫬注似棣細葉葉新生可飼牛材中車輜關西呼柎子一名土樞○陸疏云葉似杏而尖白色皮正



赤為木多曲少直枝葉茂好二月中葉疏華如練而細  
葉正白蓋樹今官園種之正名曰萬歲既取名於億萬  
其葉又好故種之共汲山下人或謂之牛筋或謂之櫪  
材可為弓弩幹

廷內

說文云廷朝中也○釋名云廷停也人所集之處

洒掃

曲禮云凡為長者糞之禮必加帚於箕上以袂拘而退

其塵不及長者以箕自鄉而扱之○少儀云汜埽曰埽  
埽席前曰拚拚席不以鬣執箕膺搗○管子云凡拚之  
道實水於盤攘臂袂及肘堂上則播洒室中握手執箕  
膺揲厥中有帚入戶而立其儀不忒執帚下箕倚於戶  
側凡拚之紀必由奧始俯仰磬折拚毋有徹拚前而退  
聚於戶內坐板排之以葉適已實帚於箕遂出棄之

揚之水篇

素

說文云素白緻縉也从糸叢取其澤也○釋名云素樸素也已織則供用不復加功飾也○雜記韠以素注云素生帛也○范子云白素出三輔足八百○陳錫元云古人動稱竹素殆所以漸變奇觚而啓薄䟽之始者與其輕勻明淨易於點染可想見矣

素衣

互見曹麻衣

詩緝云素絲也以素為衣者謂中衣也○鄭深衣目錄云深衣連衣裳而純之以采者素純曰長衣有表則謂

之中衣大夫以上祭服之中衣用素士祭以朝服中衣以布○玉藻云深衣袂可以回肘長中繼揜尺鄭注云其為長衣中衣繼袂掩一尺若今褰矣又云以帛裏布非禮也注中外宜相稱也冕服絲衣也中衣用素皮弁服朝服玄端麻衣也中衣用布○詩正義云崔靈恩等以天子諸侯朝祭之服先著明衣又加中衣又加裘裘外又有裼衣裼之上乃加朝祭之服其二劉等則以玉藻云君衣狐白裘錦衣以裼之又云以帛裏布非禮也

鄭注云冕服中衣用素朝服中衣用布若皮弁服之下  
即以錦衣為裼便是以帛裏布故知中衣在裼衣之上  
明矣○禮書云深衣與中衣同制異飾連裳方袷直繩  
旁袷以至裳十二幅要三袷縫齊倍要之類此其所同  
也深衣之純以采若素長衣之純素而已中衣之飾繡  
黼丹朱而與長衣又繼掩尺焉所謂揜尺者幅廣二尺  
二寸以半幅繼袂之末掩餘一尺長衣之揜以布中衣  
揜或素或布各象其衣然也若深衣則緣而已此其所

異也

朱褱

傳云褱領也諸侯繡黼丹朱中衣○箋云繡當為綃中衣以綃黼為領丹朱為純也○釋器云黼領謂之褱孫炎曰繡刺黼文以褱領○郊特牲云繡黼丹朱中衣大夫之僭禮也○詩緝云中衣者朝服祭服之裏衣也朱朱緣也謂染繒為赤色為中衣之緣也褱領也謂繡黼領也繡刺白黑文以褱領也此以素為衣謂冕服爵弁

之中衣公之孤及天子大夫四命皆爵弁自祭士助祭於君亦服爵弁以上則中衣亦用素但不得用朱褙也○禮記疏云素衣朱褙國君之禮大夫士不用綃黼丹朱但用采純而已

沃

水經注左邑故城故曲沃涑水自城西注水流急濬故詩人以為激揚之水○孔仲達云成侯徙居曲沃則為晉都至昭公分曲沃封桓叔則昭公已前已徙絳矣然

則穆侯以後晉常都絳○曹氏云自桓侯初封曲沃至武公滅晉凡六十七歲○竹書紀年莊伯十二年翼侯焚曲沃之禾

繡

疏云於繒之上刺繡以為黼○尚書云予欲觀古人之象藻火粉米黼黻絺繡○考工記云青與赤謂之文赤與白謂之章白與黑謂之黼黑與青謂之黻五采備謂之繡注此言刺繡采所用○釋名云繡修也文修修然



也○繡魯詩作綃以為綺屬也○孔仲達云綃是繒綺  
別名於此綃上刺為繡文

鵠

傳云曲沃邑疏云桓叔都在曲沃其旁更有邑

椒聊篇

椒

爾雅云檍大椒郭云今椒樹叢生實大者名為檍  
又云椒檍醜菜李巡曰檍菜莢也椒菜莢皆有房

故曰楸楸實也○陸疏云楸樹似茅莢有針刺葉  
堅而滑澤蜀人作茶吳人作茗皆合煮其葉以為  
香今成臯諸山間有楸謂之竹葉楸其樹亦如蜀  
楸少毒熱不中合藥可著飲食中又用蒸雞豚最  
佳香東海諸島上亦有楸樹枝葉皆相似子長而  
不圓甚香味似橘皮島上獐鹿食此楸葉其肉自  
然作椒橘香○本草經云秦椒生太山川谷及秦  
嶺上或琅邪八九月採實蜀椒一名蓀藪生武

都川谷及巴郡八月採實蔓椒生雲中川谷及丘冢間  
採莖根煮釀酒胡椒生西戎形如鼠李子調食用之味  
甚辛辣○范子計然云蜀椒出成都赤色者譙秦椒出  
天水隴西細者譙○春秋運斗樞云玉衡星散為椒○  
援神契云椒薑禦濕昌蒲益聰○酉陽雜俎云椒可以  
來水銀菜萸氣好上椒氣好下○埤雅云椒似菜萸而  
小赤色內含黑子如點今謂椒目

案椒之種不一秦椒色黃黑似蜀椒而大初秋生花

秋末結實即爾雅所謂檳也蜀椒即陸璣云似茱萸  
有刺葉堅而滑者四月結子無花但生葉間如小豆  
顆而圓皮紫赤色八月採實陰乾其生蜀都巴郡者  
皮肉厚腹裏白氣味濃蔓椒陶云俗呼為膠似椒櫚  
小不香耳今亦無能辨之者又有崖椒彼土四季採  
皮入藥陸璣所謂竹葉椒但可著飲食中似是今之  
胡椒續漢書云天竺國出胡椒段柯古云其苗蔓生  
莖極弱長半寸有細條與葉齊條上結子兩兩相對

葉晨開暮合合則裏其子于葉中者是也蓋其種實自西域來耳此詩作於晉人晉地近秦歌其土物當指秦椒山海經云景山多秦椒則秦椒之著久矣

升

考工記云臬氏為量改煎金錫則不耗不耗然後權之權之然後準之準之然後量之量之以為鬴其耳三寸其實一升○漢書云嘉量法用銅方尺而圓其外左耳為升右耳為合合合之量也升者登合之量也斗者

聚升之量也○家語云黃帝設五量○崔靈恩集注云古者為升上徑一寸下徑六分其深八分

斛

傳云兩手為斛○詩詁云兩手曰白屈掌曰斛○禮書云斛二升二斛為豆四升○呂氏云古量二升曰斛斛大於升○埤雅云古者斛大而升小或曰廣雅以為兩手謂之斛斛一升也○曲禮云受珠玉者以掬

綢繆篇

三星

傳云三星參也○箋云三星謂心星也心有尊卑夫婦父子之象又為二月之合宿故嫁娶者以為候

案參十星然實三星下三星曰伐其外四星為左右肩股故毛以三星為參心三星天王正位召南小星詩毛以三為心是也故鄭謂三為心毛鄭二家說婚姻之時不同後儒各从其所見

良人

毛云美室○朱云夫稱

案古無稱女子為良人者儀禮良席在東孟子其良人出秦風厭厭良人皆指其夫耳鄭注儀禮云婦人稱夫曰良是也此傳當草而不草未知鄭旨云何

芻

說文芻刈艸也象包束艸之形○爾雅秣謂之芻○祭統王執芻注藁也○孔氏云芻者飼馬牛之艸藁者供燃火之艸



隅

說文甌也○爾雅西南隅謂之奧西北隅謂之屋漏東北隅謂之宦東南隅謂之突

戶

釋名云戶護也所以謹護閉塞也○說文云半門曰戶○毛公云庶人葦戶

杜杜篇

杜

詳見名南甘棠

爾雅云杜甘棠

羔裘篇

袞

釋名云袖由也手所由出入也亦言受也以受手也○  
玉藻云袂可以回肘注云二尺二寸之節

鵠羽篇

鵠

郭璞云鵠似雁無後趾毛有豹文一名獨豹○疏云鵠

鳥連蹄性不樹止樹止則為苦○釋文云似雁而大○  
雜俎云鵠遇鵠鳥能激糞禦之糞著毛悉脫○禮曰鷄  
肝雁腎鵠與鹿胃鄭玄云與脾也○埤雅曰說文曰肉  
出尺哉焦貢易林曰文山鴻豹肥腩多脂蓋言此也閨  
諺曰鵠無舌兔無脾說文曰𠂔相次也从匕从十蓋鵠  
性羣居如雁自然有行列故从𠂔詩故曰鵠行

𣎵

爾雅云𣎵杼郭曰柞樹又云櫟其實棗孫炎曰櫟實櫟

也有棣彙自裏邢云櫟似槁之木也○陸璣疏云唐風集于苞栩今柞櫟也徐州人謂櫟為杼或謂之為栩其子為阜或言阜斗其殼為汁可以染阜今京洛及河内多言杼斗謂櫟為杼五方通語也秦風山有苞櫟秦人謂柞櫟為櫟河内人謂木蓼為櫟椒櫟之屬也其子房生為棣木蓼子亦房生故說者或曰柞櫟或曰木蓼璣以為此秦詩宜從其方土之言柞櫟是也東海及徐州謂之木蓮其藥始生食之味辛其棣子八月中成搏以

為燭明如胡麻燭研以為羹肥如胡麻羹○本草云橡實堪染用一名杼斗櫨櫨皆有斗以櫨為勝所在山谷中皆有圖經云木高二三丈三四月開黃花八九月結實柞櫨也杼也相也皆橡櫨之通名○枕中記云橡子非果非穀最益人服食無氣而受氣無味而受味消食止痢令人強健○本草衍義云櫨藥如栗藥堅而不堪充材○風土記云吳越之間名柞為櫨○古今注云杼實曰橡○齊民要術云柞砍去還生料理還復宜種于

山阜之曲十年中椽二十年中屋薪樵不在此數○雅翼云管子五粟之土其柘其櫟修直以長淮南時則訓十二月之木可以為車轂木不出火惟櫟為然亦應陰氣也

案鄭漁仲以桐杼為柞木以秦風之苞櫟更是一物櫟即今之椽斗樹也縣詩朱子解柞云枝長葉盛叢生有刺亦與椽斗樹不同

監

疏云鹽與蠱字異義同左傳云於文皿蟲為蠱穀之飛亦為蠱然則蟲害器敗穀者皆謂之蠱是鹽為不攻牢○董氏云說文煑海為鹽煑池為鹽故安邑之出為鹽苦而易敗故傳以不堅訓之

翼

說文云翅也

行

傳云行翮也○爾雅云羽本謂之翮注鳥羽根也○周

禮云羽人掌以時徵羽翮之政於山澤之農以掌邦賦之政令

稻

爾雅云稌稻也○說文云稻稌也稌稻屬稌沛國謂稻為稌○本草粳米味甘苦主益氣止煩止洩稻米味苦主溫中○顏師古刊謬正俗云本草稻米今之糯米○養生要集云稌稻屬也稻亦稌之總名也道家方藥有用稻米稌米此則是兩物也稻米粒白如霜味苦主溫



食之令人多瘦無肌膚粃米味甘主利五藏長肌膚好  
顏色○周禮云揚州宜稻○曲禮云祭宗廟之禮稻曰  
嘉蔬月令云季秋天子乃以犬嘗稻先薦寢廟○春秋  
說題詞云稻之為言籍也稻冬含水盛其德也故稻太  
陰精含水沮洳乃能化也江旁多稻固其宜也○孝經  
援神契云污泉宜稻○呂氏春秋曰得時之稻大本而  
莖葆長稠疏穠穗如馬尾大粒無芒搏米而薄糠舂之  
易而食之香如此者不益先時者大本而莖葉格對短

稠短穗多秕厚糠薄米多芒後時者纖莖而不滋厚糠  
多秕碎米不待定熟印天而死○汜勝之書云種稻春  
解凍時耕反其土種稻區不欲大大則水深淺不遍冬  
至後百一十日可種稻地美者用種畝四斗○四民月  
令曰三月多種秔稻○月令章句云十月穫稻九月熟  
者謂之半夏稻

案爾雅云秔稻說文云稻秔也沛國謂稻為秔秔稻  
屬也本草粳米稻米分二種則稻秔即是今之粳米

然秔糯總是有芒之穀故粳亦謂之稻字林云粳黏  
稻也秔稻不黏者周官有稻人之職漢置稻田使者  
則秔糯二色皆稻也若別而言之則稻是糯而秔乃  
稻屬耳詩書所用則各隨文而解之論語食夫稻則  
稻是粳月令秣稻必齊則稻是粳周禮牛宜稌則稌  
是秔豐年多黍多稌為酒為醴則稌是糯粳有赤白  
小大異族稻有蟬鳴虎掌一切殊名婆登月成南海  
九熟交趾再獲天竺四收種類有不可窮詰者以陶

隱居之博物而云江東無稻不知色類云何丈人責  
子路曰五穀不分五穀豈易分哉粳米今人亦謂之  
秣廣雅云秣粳也古今注云稻之粘者為秣然爾雅  
衆秣別是一種禮記秣稻必齊又云菽麥蕒稻黍粱  
秣惟所欲急就篇云稻黍秣稷既言秣又言稻必非  
一物鄭司農太宰注亦以秣稻為九穀之二種本草  
圖經云黍米粘者為秣說文云秣稷之黏者則秣是  
黍稷之屬非稻也顏師古云秣似黍米而粒小

梁

本草青梁米味甘微寒益氣補中輕身長年白梁米味甘微寒主除熱益氣黃梁米味甘平主益氣和中止洩陶隱居云青梁出北方黃梁出青冀州白梁處處皆有唐本注云青梁穀穗有毛粒青米亦微青而細於黃白梁穀粒似青稞而少麤夏月食之極清涼但以味短色惡不如黃白梁故人少種之此穀早熟而收少作餽清白勝餘米白梁穗大毛多且長穀麤扁長不似粟圓米

亦白而大食之香美為黃粱之亞黃粱出蜀漢商浙間亦種之穗大毛長穀米俱麤於白粱收子少不耐水旱食之香美逾於諸粱人號為竹根黃圖經云粱皆粟類大抵人多種粟而少種粱以其損地力而收穫少諸粱食之比他穀最益脾胃粟米亦相似耳粟米比粱乃細而圓種類亦多功用則無別矣○通志云汜勝之書云粱是秣粟今俗謂之粱古祭祀所用粱盛是也可作粱食及釀酒亦如粳米或云粱亦有粳者○雅翼云古不

以粟為穀名但米有秬穀者皆稱粟今人以穀之最細而圓者為粟則梁是其類古天子之飯有白梁黃梁者明取二種耳○周禮食豎會膳食之宜犬宜梁疏天味酸而溫梁米味甘而微寒氣味相成也○禮記云祭宗廟之禮梁曰薌其又曰大夫無故不食梁

無衣篇

七衣

周禮大行人云諸侯之禮冕服七章○讀詩記云周禮

注鷩冕七章衣三章一曰華蟲畫以雉即鷩也二曰火  
三曰宗彝皆畫為績裳四章一曰藻二曰粉米三曰黼  
四曰黻皆絺以為繡

六衣

周禮云王之三公八命其卿六命其國家宮室車旗衣  
服禮儀亦如之○孔仲達云衣服指謂冠弁也飾則六  
玉冠則六辟積

案周禮典命八命之公六命之卿四命之大夫衣服



如其命數而司服公衮冕九章侯伯鷩冕七章子男  
毳冕五章孤希冕三章卿大夫玄冕一章其八章六  
章四章二章之衣未聞其制故此詩豈曰無衣六兮  
鄭朱俱言六命之服不云六章也其典命所云衣服  
亦如之者終不可解求其說而不得則有賈公彥大  
章小章之說然亦不知小章如何而別也夏官射人  
云三公執璧與子男同則其服亦毳冕矣差而次之  
則孤卿希冕大夫玄冕希冕之服刺粉米於衣黼黻

於裳但三章耳然諸侯之孤卿大夫其朝聘天子及  
助祭得服希冕玄冕王臣與陪臣不應同服王荊公  
云六者子男之服也子男之服以五為節而曰六者  
天子之卿六命與子男同服故也若然則八命之三  
公服侯伯之服矣及其出封也皆加一等則三公即  
得九章卿即得七章於理亦可通而未詳所出當是  
荊公臆見耳

葛生篇

# 藪

陸疏云藪似枯棲葉盛而細其子正黑如燕輿不可食  
幽州人謂之烏服其莖葉煮以哺牛除熱

# 域

毛傳云域塋域也○周禮冢人掌公墓之地辨其兆域  
而為之圖以爵等為丘封之度與其樹數墓大夫掌凡  
邦墓之地域為之圖令國民族葬而掌其禁令正其位  
掌其度數使皆有私地域○孔子云古者墓而不墳又

云古不修墓

枕

說文云枕卧所薦首者○釋名云枕檢也所以檢項也

夏

尚書云申命羲叔宅南交平秩南訛敬致日永星火以正仲夏厥民因鳥獸希革○書大傳云南方者任方也任方者物之方任何以謂之夏夏者假耆吁茶萬物養之外者也故曰南方夏也○夏小正云四月昴則見圃

有見杏鳴蜮王質秀取茶五月參則見浮游有殷良蜮  
鳴六月鷹始摯○月令云孟夏之月日在畢昏翼中旦  
婺女中其日丙丁其帝炎帝其神祝融其蟲羽其音徵  
律中仲呂螻蟈鳴蚯蚓出王瓜生苦菜秀靡草死麥秋  
至仲夏之月日在東井昏亢中旦危中律中蕤賓小暑  
至螳螂生鵙始鳴反舌無聲日長至陰陽爭死生分百  
官靜事無刑以定晏陰之所成鹿角解蟬始鳴半夏生  
木堇榮季夏之月日在柳昏火中旦奎中律中林鍾溫


風始至蟋蟀居壁鷹乃學習腐艸為螢土潤溽暑大雨  
時行○鄉飲酒義云夏之為言假也養之長之假之仁  
也○爾雅云夏為朱明注氣赤而光明○素問云夏三  
月此謂蕃秀天地氣交萬物華實○管子云南方曰日  
其時曰夏其氣曰陽陽生火與氣九暑乃至時雨乃降  
五穀百果乃登此謂日德○魏相奏云南方之神炎帝  
乘離執衡司夏○月令注云孟夏日月會于實沈仲夏  
日月會于鶉首季夏日月會於鶉火

采苓篇

首陽

朱傳云首山之南也○孔氏云首陽之山在河東蒲坂縣南○馬融云華山之北河曲之中○十三州志云雷首山一名獨頭山夷齊所隱○水經注云雷首山臨大河北去蒲坂三十里○左傳趙宣子田於首山注首山在河東蒲坂縣東南○戴延之西征記云洛東北去首陽山二十里山上有伯夷叔齊祠或云餓死此山今河

東蒲坂南又有首陽亦有夷齊未詳餓死所在○一統志云首陽山在山西平陽府蒲州東南三十里即禹貢雷首山也伯夷叔齊隱此上有夷齊墓并廟



六家詩名物疏卷二十四